

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

113. Cujus sit constituere Viacrium temporalem beneficiale.

[urn:nbn:de:hbz:466:1-74477](#)

Cap. III. De Capellaniis,

citio curæ instituti. Lott. l. 3. c. 27. n. 159. & dicuntur habere beneficia curata. Garc. p. 9. c. 2. n. 289. Proinde non tantum dispositiones omnes, quæ de beneficio mentionem faciunt, procedunt in Vicariis perpetuis. Barb. loc. cit. n. 18. Garc. loc. cit. n. 286. Card. de Luca de Parochis. d. 21. n. 7. loquens de Vicariis erectis in titulum perpetuum; sed etiam, quæ de beneficio curato disposita sunt; Garc. ibidem. Barb. n. 20. citans Paris. l. 3. q. 1. n. 115. Gonz. Rebuff. Navar. &c. Atque ex his jam infertur, si haec Vicaria regulerint jure communi beneficiorum, posse non secus ac quodlibet aliud beneficium in favorem resignari; Corrad. l. 3. c. 9. n. 4. citans Hojed. de incompat. benef. l. 1. c. 15. item permutterat prout hoc in praxi receptum testatur Paris. l. 2. q. 1. n. 112. apud Corrad. loc. cit.

2. Respondeo secundo: Vicariae temporales, et si curatae, beneficia Ecclesiastica non sunt, nec tituli beneficiale. Barb. loc. cit. n. 58. Garc. p. 1. c. 2. n. 93. Corrad. l. 3. c. 9. n. 29. cum communis beneficiarii itaque non sunt Vicarii Ecclesiarum curatarum ad nutum laicorum amovibiles. AA. iidem, de Luca de benef. d. 80. n. 20. & seq. Neque etiam ab Ordinario deputati pro parochiali usque ad provisionem. Neque deputati usque ad tempus Rectoris; neque Ecclesiarum parochialium annexarum Episcopo, Capitulo, dignitatibus &c. utpote amovibiles. de Luca de benef. d. 8. n. 16. Atque ex his jam sequitur, non regulari istiusmodi Vicarias jure beneficiali; ac proinde non requirere collationem seu institutionem. Corrad. n. 28. non intrare in iis regulam de annali. Barb. loc. cit. n. 59. citans Mandol. in reg. de annal. q. 13. n. 1. Nec comprehendendi in reservationibus. Barb. ibidem. citans Hojed. Gregor. &c. nec ratione Vicariae obligantur ad horas Canonicas, nisi in casibus aliquibus; sed de hoc infra; Nec denique gaudent prorogativis & emolumentis, quibus gaudent Vicarii perpetui. Barb. n. 16. citans Gonz.

Quæstio 12. In quibus, seu ex quibus casibus à jure approbatis constitui possit Vicarius temporalis?

R Espondeo ex sequentibus: Prima: dum quis legitimè habet plures Ecclesias, in quibus servire & residere nequit, inferviet per se ipsum in una, in aliis Vicarium constituere compelletur. Barb. loc. cit. n. 52. Secunda: ob negotia, quibus ipse Rector ratione muneris sui distinetur; quo jure Episcopus plures Vicarios instituit. c. ad hac. de offic. Archid. Barb. ibidem. Tertia: ratione peregrinationis ad pia loca, praesertim ad terram sanctam. Barb. ibidem. citans c. fin. de voto. Quarta: ratione agitudinis corporis, & valetudinis incommoda, ut constat ex toto titulo de cleri. egrot. Barb. ibid. Quinta: ratione justæ absentia Rectoris approbatæ ab Episcopo. c. relatum. de cler. egrot. Barb. ibid. citans Ugolin. de off. Episcopi c. 54. Sexta: ratione diversæ nationis, cui Rector preficitur, utentis diversâ lingua ab idiomate Rectoris c. 5. de off. Ordinar. Barb. loc. cit. Septima: dum Rector removetur à ministerio vel officio, vel loco. c. ad audienciam. de Eccl. adif. Barb. n. 53. Ugol. loc. cit. Octava: dum Rector sit religiosus, & versatur in Novitatu. c. de Monach. de preb. Barb. ibid. Nona: ratione necessitatis vel utilitatis Ecclesia, majorisque incrementi cultus divini c. illud. & c. nihil. 7. q. 1. Barb. loc. cit. Decima: ubi Ecclesia dispensative

conceditur alicui in minore ætate constituto, c. 2. de aetate & qualitate, vel ubi parochus ipse nondum sacerdos est. Barb. loc. cit. Undecima: quando beneficium simplex alteri cuiquam injungitur; tum enim solet constitui Vicarius non perpetuus. Barb. n. 54. citans Azor p. 2. l. 6. c. 29. q. 1. Duodecima: dum Vicaria perpetua uniuntur, tunc ad nutum possidentis institutus Rector. Barb. n. 55. citans Hojed. de incomp. p. 1. c. 15. n. 6. Gamb. de off. legati in unendo. n. 102. Decimo tertia: in vacatione Ecclesie parochialis, donec de Rectori provideatur. Trid. sess. 24. c. 18. Barb. n. 56. Ac denique dum beneficium est unitum mensa Episcopi vel Capituli, constitui potest Vicarius temporalis. Barb. n. 54. citans Glof. in Clem. 1. de exciss. pral. &c. in Clem. 1. de supplend. negl. pral. Quod ipsum tamen distinguit Lott. l. 1. q. 33. num 93. juxta dicta & preced. ita ut Ecclesia Collegiata, principiæ regularium, quæ habet parochiale pleno jure sibi subjectam, de jure communi non teneatur curam exercere per Vicarium perpetuum, sed possit exercitum alicui committere amovibiliter; Ubi vero non habet parochiale pleno jure subjectam, sed titulo tantum simplicis unionis, teneatur administrare curam per Vicarium perpetuum ex dispositione c. expiranda, de præb.

Quæstio 13. Cujus sit constituere Vicarium temporale beneficiale?

1. R Espondeo primò: Ecclesiæ parochiali vacante, deputare pro ea Vicarium, donec ei de Rectori provideatur, spectat semper ad Episcopum; vel sede vacante ad ejus sedis vacantis Vicarium. Garc. n. 10. (in cuius dioecesi sita est parochia). Trid. sess. 24. c. 18. Barb. n. 56. Lott. l. 2. q. 31. n. 12. etiam ubi illius collatio spectat ad alios. Garc. p. 9. c. 2. n. 10. Unde id non poterunt inferiores, etiam nisi exempti, nisi habeant statum nullius dioecesis, adeoque obtineant jurisdictionem quasi Episcopalem, sitque in usu cogendi Synodos, deque his omnibus constet. Lott. ibidem. n. 13. Garc. loc. cit. n. 8. Leonis. in thesaur. Fori Eccl. p. 2. c. 18. n. 52. Barb. loc. cit. uti & deponit. Episc. p. 3. alleg. 6. num. 3.

2. Respondeo secundo: in casibus tamen repentinis, si Vicaria est ad presentationem alicuius Collegii, illud quamprimum constituere potest Vicarium ad custodiæ, donec Episcopus sit factus certior & providerit. Garc. loc. cit. num. 11. dicens hanc esse declarationem quandam sacra Congregationis ad c. 18. sess. 2. 4. Trid. non tamen, quod collegium in eo casu dare possit jurisdictionem alias non habenti, & approbationem ad Sacramentum poenitentia administrandum; sed quod possit illum ponere tantum ad custodiæ. Porro quid velint sibi verba ista Trid. loc. cit. si opus fuerit semper enim opus erit constitui Vicarium tantisper, ne cura animarum patiatur) declarat S. Congregatio apud. Garc. loc. cit. n. 13. nimis posse contingere, ut in ista Ecclesiæ vacante adessent alii ministri Sacramentorum, qui interea curam quoque illam, quæ ad defunctum spectabat, exercerent; vel etiam, ut vicini parochi libenter illud præstarent, vel quia, dum nemo hoc onus subire veleret, constitui possint aliqui mercenarii diurni vel hebdomadarii, qui id facerent; adeoque in his & similibus casibus opus non esse institui alium interea Vicarium.

3. Respondeo tertio: de cetero nominatio & deputatio Vicariorum ad nutum amovibilium in Eccle-

Ecclesiis vel beneficiis unitis pertinet ad Capitulum vel ad Prælatum monasterii, cui ea unita sunt, & Episcopus solum debet approbare, & admittere, daréque licentiam administrandi Sacra menta, ubi idoneus repertus fuerit Vicarius, absque eo quod illa alia requiratur collatio vel institutio. Barb. loc. cit. num. 63. citans Garc. p. 1. c. 2. n. 93.

Questio II4. An nihilominus, & quando possit Episcopus in tali parochiali, etiam que pleno jure subditur Collegiate, vel monasterio, deputare Vicarium perpetuum?

1. Respondeo ad primum affirmativè: Corrad. l. 3. c. 9. n. 16. idque vi Trid. sess. 7. c. 7. statuentis, quod Ordinarii deputare possunt Vicarios perpetuos in quibuscumque beneficiis curatis, quæ unita reperiunt Ecclesiis Cathedralibus, Collegiis, vel monasteriis, non obstantibus privilegiis. Hisce comprehendi monasteria quæcumque etiam exempta, & Ecclesiæ quomodocumq; iisdem, eorumque mensis unitas, docet ibi Corrad. citans pro hoc Barb. de potest. Episc. alleg. 71. n. 100. Item procedere etiam in literis unionis expressa sit clausula; ut possint deservire per Vicarios amovibiles; si litera ante Concil. Trid. emanarit; seculi si post illud. Garc. p. 11. c. 2. num. 9. Flores de Mena. Variar. qq. l. 1. q. 10. n. 36. & seq. quos citat & sequitur Barb. loc. cit. n. 3.

2. Respondeo secundò: nihilominus, ut ex ipsis Concilii verbis intelligitur, requiritur, ut Episcopus id faciat in visitatione; ita ut videatur non dari Ordinario hæc jurisdictione à Concilio, nisi in visitatione. Corrad. loc. cit. n. 18. ex Garc. p. 11. c. 2. n. 12. saltem dum beneficia unita sunt monasteriis & locis regularibus & exemplis, Barb. loc. cit. n. 4. citans pro hoc Flores de Mena. num. 47. Navar. de stat. Monach. conf. II. nu. 7. Item requiritur justum arbitrium Episcopi, sive ut intercedat justa causa; poterit enim alias ab istiusmodi perpetuitate Vicarii appellari; cum alias dictum Concilium, nempe sess. 25. de regular. c. 11. concedat, quod possint Vicarii temporales deputari, & tantum id remittat Ordinario arbitrio; ut si viderit expedire, deputet Vicarium perpetuum. iidem AA. Corrad. num. 19. & 20.

3. Respondeo tertio: de cetero non posse Episcopum in vim Trid. deputare Vicarium perpetuum in sequentibus casibus; quos enumerat Barb. loc. cit. n. 6. & seq. Primo: dum à tempore immemoriali unico facta est, & ex tunc conflat Vicarios fuisse ad nutum amovibiles scientibus & conscientibus Ordinariis, & nunquam Vicarium perpetuum fuisse constitutum. citatur à Barb. pro hoc Flores de Mena loc. cit. n. 44. Sanch. in decal. l. 7. c. 29. n. 191. Putat nihilominus Corrad. l. 3. c. 9. n. 6. derogare Concilium istiusmodi consuetudini immemoriali, citans pro hoc declarationem S. Congregationis ejusdem Concilii. Secundò: dum unio facta est per viam pacti & concordia à Sede Apostolica cum clausula: *deserviendo beneficio per Vicarium amovibilem*; citantur pro hoc AA. iidem. Tertiò: dum beneficium unitum est monasterio monachorum aut mendicantium. Sic enim refutat xisse dicitur Pius V. decretum illud Trid. in motu quadam proprio incipiente: *Ad exequendum pastoralis off. debitum. &c.* sub dato Kalend. Noveemb. Auno 1567. quem refert Quaranta in summa Bularii. apud Barb. loc. cit. n. 9. cui derogatum non fuit

P. Leuren. Fori Benef. Tom. I.

per constitutionem Greg. XIII. incipientem: *in tanta rerum &c.* nam praterquam, quod hac constitutio tantum procedat, quoad Vicarios parochialium unitarum monasteriis; Idem Gregor. postmodum oretenus (ut testatur Campanil. in divers. juris can. rubricas. l. 7. c. 6. n. 121. Gonz. ad reg. 8. gl. 5. n. 79. apud Barb. loc. cit.) revalidavit dictam Pii V. constitutionem cum hac limitatione: modò cum religioso illo designando in Vicarium amovibilitatem unus duntaxat alius religiosus extra claustrum maneat. Quartò: dum ex privilegio renunciationis causâ concessò beneficium esset unitum cum clausula ponendi Vicarium ad nutum amovibilem; quia in generali privilegiorum derogatione, qualem ponit Trid. cit. c. 7. non comprehendit privilegia remunerationis gratiâ concessa, multis probant Flores de Mena & Sanch. loc. cit. apud Barb. n. 10. Quin dum pro bono pacis & cessationis litium, rectâque beneficij administratione expediret nihil innovari, sed institui Vicarium ad nutum amovibilem; Trid. enim, ut dictum est, non emitit id libera voluntati Episcoporum, sed iusto arbitrio eorum; AA. iidem, & Barb. n. 11. Sextò: dum ex privilegio pontificio post Trident. concessò unitum esset beneficium parochiale cum clausula, instituendi Vicarium ad nutum amovibilem; cum enim Trid. derogans privilegiis c. 7. non potuerit restringere potestatem Pontificiam, loquitur tantum de privilegiis ante id decretum concessis. Barb. n. 12. citans Garc. p. 11. c. 2. n. 5. Flores de Mena. loc. cit. n. 49. qui tamen posterior n. 50. exigit privilegium illud ex certa scientia aut motu proprio, aut cum expressa Trid. derogatione concessum; ut id intelligitur, dum ex verbis privilegii constiterit, hanc mentem fuisse Pontificis, & in dubio presumendum, cum illud decretum Trid. satis sit notorium, qui etiam n. 51. observat, in his ipsis casibus, in quibus non est integrum Episcopo constituere Vicarium perpetuum, teneri tamen curare, ut beneficio bene deserviatur; alias adhuc posse eum constituere in illo Vicarium perpetuum; cum privilegium ob ejus abusum amittatur.

Questio II5. Quandonam constituendi Vicarii perpetui?

Respondeo: si quæstio procedit de tempore, Vicarios perpetuos constitui non posse, priusquam erecta Vicaria perpetua: Hinc etiam, ubi Ordinarius voluerit in executionem dicti decretri Trid. Vicarios temporales in perpetuos mutare, debet prius erigi Vicaria perpetua; cum Vicaria perpetui tunc non possint institui absque erectione tituli Vicaria, qualis titulus beneficialis antè non erat, dum constituebant ablique omni collatione & institutione Vicarii ad nutum amovibiles. Corrad. l. 3. c. 9. n. 27. Barb. l. c. n. 4. Garc. loc. cit. p. 15. Ac proinde non poterit Episcopus procedere ad dictam erectionem & positionem Vicarii perpetui, nisi citatis & auditis partibus. AA. iidem. neque etiam non nisi in visitatione. Corr. n. 19. ex Garc. n. 12. citante pro hac declarationem S. Congregationis. Porro sic factam erectionem de Vicaria amovibili in perpetuum per Episcopum non alterare unionem jam factam quoad exercitium curæ, ait Barb. n. 13. Pergiturque monasterium, cui unitum tale beneficium erat, nominare seu presentare Vicarium perpetuum instituendum ab Ordinario. Corrad. loc. cit. sub n. 31. in formula erectionis istius-